

*Ignis amoris
divini
carnes
concupiscentias
debet
sombu-
rere.*

bebit maximum thesaurum in se, erit filia Regis ornata ab intus, & divitias gazasque suas absconditas feret. Sin mundo desponsata est, Christo nubere non potest. Verba sunt Servatoris nostri Lucæ 12. *Ignem veni mittere in terrã:* qui ignis amoris divini utinam sic exardescat, ut omnes nostri affectus, appetitus carnales & libidines ab illo absumantur! *Non veni pacem mittere, sed gladium;* Matth. 10. Faxit De⁹ ut gladio Spiritus divini omnes carnales concupiscentiæ & voluptates mortificentur, quo De⁹ in nobis vivere & operari possit. Quod si nũc aliquis dicat se per impedimenta vocationis suę in cor suum secedere nō posse, ei autor sum, ut noctu vel interdiu locũ, tempus & oportunitatem, quaqua potest ratione, captet, ad secedendum aliquantisper in fundum & penetralia animi sui, & cum B. Augustino dicat: *O Domine Deus, placeat tibi mecum pactum inire, vt ego funditus mihi moriar, & tu in me vivas; ego plane intra me taceam, & tu e contra in me loquaris; ego deniq; ab omnibus intra me feriar, ut tu in me opereris, Amen.*

CAPUT III.

IN FIDE CONSISTERE TOTUM

thesau-